



Број/Број: 01/4-50-1-4-68/10  
Сарајево/Сарајево, 28.7.2010.

## Z A P I S N I K

### **68. sjednice Komisije za finansije i budžet Predstavničkog doma Parlamentarne skupštine BiH, održane 26.7.2010., od 10 do 12,45 sati**

Sjednici Komisije prisustvovali su članovi: Sadik Bahtić, Lazar Prodanović, Velimir Jukić, Adem Huskić i Bajazit Jašarević.

Sjednici nisu prisustvovali: Drago Kalabić, Salko Sokolović, Savo Erić i Zlatko Lagumdžija, članovi Komisije.

Sjednici su, također, prisustvovali: Miro Cabo, pomoćnik ministra finansija, Alma Hadžić, šef Odsjeka za program i budžet, Adem Spahić, šef Odsjeka za upravljanje civilnim personalom, Željko Perić, stručni savjetnik za nabavku, i Mile Baletić, šef Ureda interne revizije iz Ministarstva odbrane BiH, Tomo Kolenda, načelnik Uprave za personal, Miroslav Panić, načelnik Odsjeka za kontrolu, i Milovan Čeranić, stručni savjetnik za odbrambenu i sigurnosnu politiku iz Oružanih snaga Ministarstva odbrane BiH, Sejad Mačkić, direktor, i Enes Baljić, šef odsjeka u Agenciji za sigurnost hrane BiH, Sead Muminović, šef finansija u Ministarstvu za ljudska prava i izbjeglice BiH, Milenko Šego, generalni revizor, Dragoljub Kovinčić, Munevera Bahtić i Miro Galić, rukovodioci finansijske revizije iz Ureda za reviziju institucija BiH, Marinko Šimunović, zamjenik generalnog direktora, i Asmira Tahirović, stručni savjetnik za budžet iz Direkcije za civilno zrakoplovstvo BiH, Dragica Janović, šef Materijalno-finansijskog odjeljenja u Institutu za nestala lica BiH, Zlata Krsmanović, šef Odjeljenja za pravne poslove, i Zorica Granzov, šef Odjeljenja za finansijske poslove iz Fonda za povratak BiH, Ljerka Marić, direktor, i Jelena Čeremidžić, stručni savjetnik za finansije iz Direkcije za ekonomsko planiranje BiH, Snežana Krunic, referent za knjigovodstvene poslove Uprave BiH za zaštitu zdravlja bilja, Hamed Mešanović, predsjednik Komisije za koncesije BiH, Amela Hasanbegović i Sreten Čečar, šefovi odsjeka iz Ministarstva finansija i trezora BiH, Mirko Lujić, direktor SIPA-e, Danijal Ganić, načelnik u Službi za poslove sa strancima, Mirela Mulalić-Handan, izvršni funkcioner, i Jasenka Drakulić, saradnik za finansije iz Komisije za očuvanje nacionalnih spomenika BiH, Samir Mušović, konsultant USAID PSP u BiH/SPEM 3, Ivana Smiljanić, asistent za finansije i budžet u ime Projekta USAID PSP u BiH, Zoran Brkić i Medina Delalić, viši stručni saradnici u Sektoru za odnose s javnošću, Aida Osmanović, istraživač/analitičar iz Istraživačkog sektora, te Željko Kosmajac, sekretar, i Muhameda Humačkić, stručni saradnik pri ovoj komisiji.

Od predstavnika medija sjednici su prisustvovali: Snežana Samardžija, novinar SRNA-e, i Željka Domazet, novinar Glasa Srpske.

Za sjednicu je predložen sljedeći

## DNEVNI RED

1. Usvajanje Zapisnika 67. sjednice Komisije;
2. Razmatranje Izvještaja o izvršenju Budžeta institucija BiH i međunarodnih obaveza BiH za 2009. godinu (podnosilac: Predsjedništvo BiH);
3. Razmatranje Inicijative Kluba poslanika SDA u vezi s *Informacijom Vijeća ministara BiH o problemima žiranata u BiH, s prijedlogom mjera kako bi dug otplaćivali glavni dužnici, s posebnom analizom zakonodavstva koje se odnosi na ovu oblast i mogućnošću poboljšanja zakona*;
4. Razmatranje *druge i treće grupe* revizorskih izvještaja o finansijskom poslovanju institucija BiH za 2009. godinu (sačinilac: Ured za reviziju institucija BiH);
5. Tekuća pitanja.

Predloženi dnevni red jednoglasno je usvojen.

### **Ad.1. Usvajanje Zapisnika 67. sjednice Komisije**

Komisija je jednoglasno, bez primjedbi, usvojila Zapisnik 67. sjednice.

### **Ad.2. Razmatranje Izvještaja o izvršenju Budžeta institucija BiH i međunarodnih obaveza BiH za 2009. godinu (podnosilac: Predsjedništvo BiH)**

Po otvaranju ove tačke dnevnog reda predsjedavajući Komisije konstatirao je da sjednici nije prisutan predstavnik Predsjedništva BiH, u ime podnosioca izvještaja.

Obrazloženje predmetnog izvještaja dala je Amela Hasanbegović, šef odsjeka iz Ministarstva finansija i trezora BiH.

U raspravi koja je uslijedila učestvovali su članovi: Velimir Jukić, Bajazit Jašarević i Sadik Bahtić, te Amela Hasanbegović u ime nadležnog ministarstva.

Nakon rasprave, Komisija je jednoglasno usvojila Izvještaj o izvršenju Budžeta institucija BiH i međunarodnih obaveza BiH za 2009. godinu, te ga uputila u daljnju parlamentarnu proceduru, s prijedlogom Domu za usvajanje.

### **Ad.3. Razmatranje Inicijative Kluba poslanika SDA u vezi s *Informacijom Vijeća ministara BiH o problemima žiranata u BiH, s prijedlogom mjera kako bi dug otplaćivali glavni dužnici, s posebnom analizom zakonodavstva koje se odnosi na ovu oblast i mogućnošću poboljšanja zakona***

Kolegij Doma odredio je Komisiju nadležnom za razmatranje predmetne inicijative i 5.7.2010. dostavio je Komisiji.

U ime Kluba poslanika SDA, inicijativu je obrazložio Bajazit Jašarević.

U raspravi koja je uslijedila učestvovali su članovi: Adem Huskić, Velimir Jukić i Bajazit Jašarević.

Nakon rasprave, Komisija je jednoglasno podržala Inicijativu Kluba poslanika SDA u vezi s *Informacijom Vijeća ministara BiH o problemima žiranata u BiH, s prijedlogom mjera kako bi dug otplaćivali glavni dužnici, s posebnom analizom zakonodavstva koje se odnosi na ovu oblast i mogućnošću poboljšanja zakona*, te je uputila u daljnju parlamentarnu proceduru.

### **Ad.4. Razmatranje *druge i treće grupe* revizorskih izvještaja o finansijskom poslovanju institucija BiH za 2009. godinu (sačinilac: Ured za reviziju institucija BiH)**

U uvodu ove tačke dnevnog reda, u skladu s dopisom Ureda za reviziju institucija BiH, broj: 01-01-50-957-1/10, od 20.7.2010., Komisija je jednoglasno izmijenila i dopunila ovogodišnji Plan razmatranja revizorskih izvještaja o finansijskom poslovanju institucija BiH za 2009., usvojen na 67. sjednici Komisije, održanoj 8.7.2010. Cilj izmjena i dopuna

Plana je izjednačavanje komisijskog tretmana revizorskih izvještaja *druge i treće grupe*, te uvođenje posebnog tretmana za revizorske izvještaje s pozitivnim mišljenjem sa isticanjem predmeta.

Potom je predsjedavajući Komisije dao kraći ekspozé (uvodno izlaganje) o obavljenoj finansijskoj reviziji za 2009. godinu i ovogodišnjoj metodologiji komisijskog razmatranja revizorskih izvještaja.

Također, u vezi s obavljenom finansijskom revizijom za 2009. godinu kratko izlaganje dao je Milenko Šego, generalni revizor Ureda za reviziju institucija BiH.

Od ukupno 62 institucije u 2009. revizorsko pozitivno mišljenje i pozitivno mišljenje sa isticanjem predmeta (prva grupa revizorskih izvještaja) dobilo je 47 institucija BiH, a mišljenje s rezervom 15 institucija BiH.

*Drugu i treću grupu* revizorskih izvještaja o finansijskom poslovanju institucija BiH za 2009. godinu čine izvještaji s revizorskim „mišljenjem s rezervom“, koji će i ove godine biti predmet detaljne komisijske analize (javna izjašnjavanja) shodno preporuci Ureda za reviziju, a kojima pripadaju revizorski izvještaji za sljedeće institucije, sa zaduženjima članova Komisije:

- šest institucija s jednom kvalifikacijom, bez isticanja predmeta (*druga grupa izvještaja*)
  1. Direkcija za ekonomsko planiranje BiH (Lazar Prodanović)
  2. Institut za mjeriteljstvo BiH (Salko Sokolović)
  3. Komisija za koncesije BiH (Drago Kalabić)
  4. Ministarstvo sigurnosti BiH (Bajazit Jašarević)
  5. Služba za poslove sa strancima BiH (Velimir Jukić)
  6. Uprava BiH za zaštitu zdravlja bilja (Velimir Jukić)
  
- devet institucija s više od jedne kvalifikacije s jednom i više kvalifikacija i jednim ili više istaknutih predmeta (*treća grupa izvještaja*)
  1. Ministarstvo odbrane BiH (Adem Huskić)
  2. Fond za povratak BiH (Sadik Bahtić)
  3. Ministarstvo vanjskih poslova BiH (Sadik Bahtić)
  4. Agencija za sigurnost hrane BiH (Salko Sokolović)
  5. Direkcija za civilnu avijaciju BiH (Bajazit Jašarević)
  6. Institut za nestala lica BiH (Lazar Prodanović)
  7. Ministarstvo za ljudska prava i izbjeglice BiH (Sadik Bahtić)
  8. Državna agencija za istrage i zaštitu BiH (Adem Huskić)
  9. Komisija za očuvanje nacionalnih spomenika BiH (Adem Huskić)

Potom je uslijedilo javno izjašnjavanje navedenih institucija BiH:

#### **- Direkcija za ekonomsko planiranje BiH**

Izjavitelj za ovu instituciju bio je Lazar Prodanović.

Na pitanja izvjestioca po revizorskom izvještaju o finansijskom poslovanju ove institucije u 2009. godini, u ime institucije odgovore je dala Ljerka Marić, direktorica Direkcije za ekonomsko planiranje BiH.

#### **-Institut za mjeriteljstvo BiH**

Izjavitelj za ovu instituciju bio je Salko Sokolović, koji nije prisustvovao sjednici, pa je javno izjašnjavanje preuzeo Sadik Bahtić.

Na pitanja izvjestioca po revizorskom izvještaju o finansijskom poslovanju ove institucije u 2009. godini, odgovori nisu dati u ime institucije jer predstavnik Instituta za mjeriteljstvo BiH nije prisustvovao sjednici.

#### **-Komisija za koncesije BiH**

Izjestilac za ovu instituciju bio je Drago Kalabić, koji nije prisustvovao sjednici, pa je javno izjašnjavanje preuzeo Sadik Bahtić.

Na pitanja izvjestioca po revizorskom izvještaju o finansijskom poslovanju ove institucije u 2009. godini, u ime institucije odgovore je dao Hamed Mešanović, predsjedavajući Komisije za koncesije BiH.

#### **-Ministarstvo sigurnosti BiH**

Izjestilac za ovu instituciju bio je Bajazit Jašarević.

Na pitanja izvjestioca po revizorskom izvještaju o finansijskom poslovanju ove institucije u 2009. godini, odgovori nisu dati u ime institucije, jer predstavnik Ministarstva sigurnosti BiH nije prisustvovao sjednici.

#### **-Služba za poslove sa strancima BiH**

Izjestilac za ovu instituciju bio je Velimir Jukić.

Na pitanja izvjestioca po revizorskom izvještaju o finansijskom poslovanju ove institucije u 2009. godini, u ime institucije odgovore je dao Danijal Ganić, načelnik u Službi za poslove sa strancima.

U toku javnog izjašnjavanja učestvovali su Sadik Bahtić i Munevera Baftić, rukovodilac finansijske revizije iz Ureda za reviziju institucija BiH.

#### **-Uprava BiH za zaštitu zdravlja bilja**

Izjestilac za ovu instituciju bio je Velimir Jukić.

Na pitanja izvjestioca po revizorskom izvještaju o finansijskom poslovanju ove institucije u 2009. godini, u ime institucije odgovore je dala Snežana Krunic, referent za knjigovodstvene poslove Uprave BiH za zaštitu zdravlja bilja. Također, obećala je da će naknadno dostaviti informaciju /odgovore na komisijska pitanja, koja su prethodila javnom izjašnjavanju.

#### **-Ministarstvo odbrane BiH**

Izjestilac za ovu instituciju bio je Adem Huskić.

Na pitanja izvjestioca po revizorskom izvještaju o finansijskom poslovanju ove institucije u 2009. godini, u ime institucije odgovore je dao Miro Cabo, pomoćnik ministra za finansije Ministarstva odbrane BiH.

U toku javnog izjašnjavanja učestvovali: Lazar Prodanović, Bajazit Jašarević, Adem Huskić i Sadik Bahtić.

Bajazit Jašarević predložio je da se ispoštuje prošlogodišnji zaključak o održavanju posebne sjednice sa širim krugom učesnika posvećene rješavanju i unapređenju stanja u Ministarstvu odbrane BiH, kako bi se broj revizorskih preporuka iz godine u godinu smanjivao.

#### **-Fond za povratak BiH**

Izjestilac za ovu instituciju bio je Sadik Bahtić.

Na pitanja izvjestioca po revizorskom izvještaju o finansijskom poslovanju ove institucije u 2009. godini, u ime institucije odgovore je dala Zorica Granzov, šef Odjeljenja za finansijske poslove iz Fonda za povratak BiH.

#### **-Ministarstvo vanjskih poslova BiH**

Izvjestilac za ovu instituciju bio je Sadik Bahtić.

Na pitanja izvjestioca po revizorskom izvještaju o finansijskom poslovanju ove institucije u 2009. godini, odgovori nisu dati u ime institucije jer predstavnik Ministarstva vanjskih poslova BiH nije prisustvovao sjednici. Predsjedavajući Komisije konstatirao je da ova institucija nije dostavila informaciju/odgovor na komisijska pitanja koja su u vezi s realizacijom revizorskih preporuka za 2009. godinu.

#### **-Agencija za sigurnost hrane BiH**

Izvjestilac za ovu instituciju bio je Salko Sokolović, koji nije prisustvovao sjednici, pa je javno izjašnjavanje preuzeo Sadik Bahtić.

Na pitanja izvjestioca po revizorskom izvještaju o finansijskom poslovanju ove institucije u 2009. godini, u ime institucije odgovore je dao Sejad Mačkić, direktor Agencije za sigurnost hrane BiH.

#### **-Direkcija za civilnu avijaciju BiH**

Izvjestilac za ovu instituciju bio je Bajazit Jašarević.

Na pitanja izvjestioca po revizorskom izvještaju o finansijskom poslovanju ove institucije u 2009. godini, u ime institucije odgovore je dao Marinko Šimunović, zamjenik generalnog direktora Direkcije za civilnu avijaciju BiH.

#### **-Institut za nestala lica BiH**

Izvjestilac za ovu instituciju bio je Lazar Prodanović.

Na pitanja izvjestioca po revizorskom izvještaju o finansijskom poslovanju ove institucije u 2009. godini, u ime institucije odgovore je dala Dragica Janović, šef Materijalno-finansijskog odjeljenja u Institutu za nestala lica BiH.

U toku javnog izjašnjavanja učestvovao je i Bajazit Jašarević.

#### **-Ministarstvo za ljudska prava i izbjeglice BiH**

Izvjestilac za ovu instituciju bio je Sadik Bahtić.

Na pitanja izvjestioca po revizorskom izvještaju o finansijskom poslovanju ove institucije u 2009. godini, u ime institucije odgovore je dao Sead Muminović, šef finansija u Ministarstvu za ljudska prava i izbjeglice BiH.

#### **-Državna agencija za istrage i zaštitu BiH (SIPA)**

Izvjestilac za ovu instituciju bio je Adem Huskić.

Na pitanja izvjestioca po revizorskom izvještaju o finansijskom poslovanju ove institucije u 2009. godini, u ime institucije odgovore je dao Mirko Lujić, direktor SIPA-e.

U toku javnog izjašnjavanja ove institucije učestvovali su Bajazit Jašarević i Velimir Jukić.

#### **-Komisija za očuvanje nacionalnih spomenika BiH**

Izvjestilac za ovu instituciju bio je Adem Huskić, koji je zbog određenih obaveza morao napustiti sjednicu, te je javno izjašnjavanje preuzeo Sadik Bahtić.

Na pitanja izvjestioca po revizorskom izvještaju o finansijskom poslovanju ove institucije u 2009. godini, u ime institucije odgovore je dala Mirela Mulalić-Handan, izvršni funkcioner Komisije za očuvanje nacionalnih spomenika BiH.

U toku javnih izjašnjavanja Sadik Bahtić konstatirao je da će institucije BiH, čiji se predstavnici nisu odazvali javnom izjašnjavanju i koje nisu dostavile informacije/odgovore na komisijska pitanja (Ministarstvo vanjskih poslova BiH i Uprava BiH za zaštitu zdravlja bilja), imati poseban komisijski tretman.

Nakon javnih izjašnjavanja Bajazit Jašarević predložio je određene zaključke za Zbirno mišljenje Komisije po finansijskoj reviziji za 2009.godinu od kojih je naknadno odustao.

#### **Ad.5. Tekuća pitanja**

**-Realizacija komisijskih zbirnih zaključaka po finansijskoj reviziji za 2008. usvojenih na 64. sjednici Predstavničkog doma Parlamentarne skupštine BiH, održane 24.11.2009., te 2. i 7.12.2009.**

Samir Mušović, konsultant USAID PSP u BiH/SPEM 3, informirao je da je Vijeće ministara BiH na 111. sjednici, održanoj 13.1.2010., razmatralo zaključke sa 64. sjednice Predstavničkog doma, usvojene prilikom razmatranja revizorskih izvještaja o finansijskom poslovanju institucija BiH za 2008., te podijelilo zaduženja pojedinačnim institucijama BiH za njihovu realizaciju.

##### **- Najava radionice**

Samir Mušović, konsultant USAID PSP u BiH/SPEM 3, najavio je održavanje radionice o temi odgovornosti u septembru 2010., nakon održavanja redovne sjednice Komisije, u organizaciji USAID PSP u BiH, o čemu će Ured sekretara i članovi Komisije biti pravovremeno obaviješteni.

##### **- Radni sastanak**

Predsjedavajući Komisije podsjetio je rukovodstvo Komisije na radni sastanak s predsjedavajućim Vijeća ministara BiH, ministrom komunikacija i prometa BiH i predsjedavajućim Upravnog odbora BHRT-a, koji će biti održan nakon okončanja ove sjednice, s početkom u 13 sati.

Sastanak je organizirala Komisija za finansije i budžet Predstavničkog doma PSBiH, kao realizaciju zaključka broj 2. s 41. sjednice Predstavničkog doma, održane 3.12.2008., usvojenog prilikom razmatranja Finansijskih izvještaja BHRT-a za 2007. godinu, a u vezi sa zaključkom sa 76. sjednice Predstavničkog doma, održane 21.4.2010.

Cilj radnog sastanka je pronalaženje rješenja za izlazak iz situacije u kojoj se trenutno nalazi BHRT.

**Sekretar Komisije**

Željko Kosmajac

**Predsjedavajući Komisije**

mr. ecc. sc. Sadik Bahtić

Prilog:

-Neautorizirani transkript 68. sjednice Komisije